

## UMP tanam 20 batang pokok mangga

UM (Timur) 24/2/10 Rabu ms 27

KUANTAN 23 Feb. – Universiti Malaysia Pahang (UMP) menanam 20 batang pokok mangga sempena Hari Alam Sekitar peringkat universiti itu di Gambang dekat sini hari ini.

Program tersebut dirasmikan oleh Dekan Fakulti Kejuruteraan Pembuatan dan Pengurusan Teknologi (FKPPT) UMP, Profesor Dr. Ahmad Othman di Blok W, Dewan Kuliah 1, UMP.

Hadir sama Ketua Pengarah Jabatan Keselamatan dan Pekerjaan Malaysia, Profesor Datuk Dr. Ir. Johari Basri yang juga Profesor Tamu UMP; Dekan Pusat Pengajian Siswazah, Profesor Dr. Yuserrie Zainuddin dan Ketua Program FKPPT, Profesor Madya Dr. Mohd. Fadzil Mohd. Idris.

Ahmad berkata, program yang diadakan oleh UMP itu bertepatan dengan keadaan dunia yang berhadapan dengan isu pemanasan global pada masa ini.

Menurutnya, masyarakat dunia harus meningkatkan kesedaran dengan memupuk semangat cintakan alam sekitar.

“Dengan adanya aktiviti penanaman pokok ini, persekitaran kampus akan menjadi lebih indah dan mewujudkan persekitaran hidup yang sihat.

“Semua pihak harus memberi sokongan dalam menyekat aktiviti pencemaran alam sekitar,” katanya.

Ahmad berkata, usaha menghijaukan bumi merupakan sesuatu yang boleh dilakukan oleh semua pihak dalam usaha mengurangkan kesan pemanasan global.

Sementara itu, Mohd. Fadzil yang juga pengerusi program tersebut berkata, penganjuran Hari Alam Sekitar peringkat universiti itu akan memberi kesedaran kepada masyarakat untuk mencintai alam sekitar.

“Menerusi program ini, pelajar diberi tanggungjawab untuk menanam pokok mangga



DARI kanan, Dr. Ahmad Othman, Dr. Ir. Johari Basri dan Dr. Mohd. Fadzil Mohd. Idris (tengah) ditemani kakitangan UMP menanam pokok mangga, sempena Hari Alam Sekitar di Gambang, Kuantan, semalam.

secara berkumpulan di sekitar kampus UMP.

“Selain itu, pelajar juga berpeluang membentangkan poster mengenai kesan perubahan cuaca, pemanasan global, pencemaran alam sekitar dan isu persekitaran,” jelasnya.

Menurut Timbalan Pengarah Projek, Sharifah Abdul Kadir, program itu membantu

pelajar memahami isu alam sekitar dan prihatin terhadap tanggungjawab menghijaukan bumi.

“Saya percaya usaha menanam 20 batang pokok mangga pada hari ini merupakan langkah awal yang akan diikuti oleh seluruh warga UMP,” katanya yang merupakan penuntut

tahun dua Sarjana Muda Pengurusan Projek.

Rakannya, Cai Chen Thai yang merupakan pelajar tahun dua Sarjana Muda Keselamatan dan Kesihatan Pekerjaan pula menegaskan, persekitaran UMP yang masih kekurangan pokok memerlukan lebih banyak pokok ditanam.